

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 16.

12. jakkegærdde.

»Nuorttanaste« maksa ovtá kruvua jakko-
dagast, bladde dinggujuvuu juokke poasta-
rappe bokte.

30. August 1910.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Bestujubme, vissesvuotta ja illo.

Jos don oskok, manditi ik læk
don dalle visses du bestujumad ala,
ja jos don læk bestujuvvum, man-
diti ik læk dalle illost.

(Lasse oudeb nummari).

Jos ouddamærka diti du
manna duom daihe dam lakai læ
boastot dakkam du vuostai. Dal-
lanaga oainak don, atte juoga læ
manast mi vaillo. Dibmo bæle
dast ouddal læi son illost ja arvok
mielast. Son havskodalai du sær-
vest, æra saniguim cælkket sust
læi særvevuotta duina. Su
dovdok ja illoavdnasak legje dak
sæmmak go du. Mutto dal læ
buok nubbastuvvam, ja nuftgo
okta æppegulolaš ja hilbis manna
čuozžo su viessočiegast. Don læk
loppedam sudnji anddagassi addu-
jume, jos son gata ja dovdasta
su æppegulolašvuodas, mutto su
goarggadvuotta ja gæžžarvuotta i
luoite su dam dakkat. Gost læ
dal dat illo mi sust læi dibmo-
bæle gæcest? Damditi go særve-
vuotta su ja du gaskast læ
dego gaskad-boatkanam. Mutto
moft læ dal daina sogalašvuodain,
mi dudno gaskast læi dibmobæle
gæcest? Lægø maidai datge mas-
sašuvvam? Lægø dat vahagattu-
juvum daihe aibas erit joavddam?
I eisege. Du manna son læ al-
maken riegadæme bokte, vaiko su
særvevuotta duina læ su gæva-
tusa mielde.

Mutto de boatta dat manna
sojatuvvum ječas datoin ja gata-

vašvaimoin ja dovdasta buok al-
go rajest loppi, nuft atte don
ibmerdak, atte son vašota æppe-
gulolašvuoda ja lika ollo go don
ješ. Don valdak su askasad ja
dæddelak su raddad vuostai ja
muittalak sudnji, atte don aigok
anddagassi addet ja vajaldattet
buok. Su illo macca dal fast
ruoktot, damditi go særvevuotta
duina læ odasmattujuvvum.

Go David læi suddodam Uri-
as akain ja son su suddos bodi
dovddat, de i cælkam son:
„Adde mudnji fast du bestujumad,
mutto adde mudnje fast du bes-
tujumad avo.“ (Sal. 51, 14.)

Mutto mannop mi vebaš
gukkebuidi min guoratallamin.
Jos dal ouddamærka diti go du
manna læ čokkamen viessočiegast
gullu čuorvas: „Viesso buolla!“
Moft manaši dalle du manain?
Guddujuvvušigo dat dasa čokkat
ja oktan viesoin buollet? Dat læ
vægjemættom. Dat vuostas per-
sovna, gæn don gajošik lifči diet-
talassi du manna. — Alma don
diedak atte sogavuoda rakisuotta
læ okta, mutto særvevuoda ra-
kisvuotta læ nubbe.

Ašše læ dalle nabbo daggar,
go oskolaš suddoda, læ særve-
vuotta Ibmelin ovtá ucca boddoš
erit dogjum ja illo massašuvvum,
dassači go son fast ruoktot macca
ačče lusa ja dovdasta su suddos;
go son dasto giddadolle Ibmela
ječas sadnai, de bæssa son diettet
atte son læ andagassi addujume
ožžom; dastgo Ibmel sadne cælk-
ka naft: „Jos mi dovdastep min
suddoidæmek, de læ son os-
kaldas ja vanhurskes, nuft atte
son andagassi adda buok suddoid

ja buttesta min buok vanhurskes-
mættomvuodast.“ (1 Joh. 1, 9.)

Muite alelassi rakis Ibmel
manna, dam guokte dinga atte i
læk mikkege mi læ nu nanos go
sogavuoda badde, ja atte i læk
mikkege mi læ nu rašše go særve-
vuoda adde. Jos buok ædnam-
laš famok ječaidæsek oktiovtasta-
tašegje ja helveta famok vel
mielde, de almake dak æi matte
vahagattet oskolaža manavuogad-
vuoda; mutto dušše okta jurdaš-
kættes daihe heivvemættos ucca
sanaš matta særvevuoda dile
illastet.

Jos don læk morrašest ja
læ sœvdnjad du sielost, suppe
ječad muolda sisa Ibmel ouddi
ja suoggard du gæinoidad. Ja
go suola, gutte læ rievedam du
rafhe dust læ giddadoppijuvum,
de gæse su čuovggas ouddi. Dov-
dast du suddod Ibmeli du Aččai
ja dubme ješječad vaibmolades-
mættoset du varrogasmættomvu-
odad ja fuolamættomvuodad diti,
man gæčeld suola bodi ja dust
riededi daggar buore oase. Mut-
to ale goassege jurdaš, atte bes-
tujubme læ dat sæmma go illo.

Mutto vela varrim du dast,
atte don ik galga jurdašet, atte
Ibmel dubme oskolaža suddoid
gæppasæbbot go æppeoskolaža.
Sust æi læk guokte vuoge suddo
rangastet, lika uccan matta son
mædda mannat oskolaža suddo
daihe dam dubmetaga diktet, go
son matta mædda mannat dam
olbmu suddo, gutte su æcalaš
barne bagjelgæčča. Mutto dat
stuora erotus dam guovto gaskast
læ, atte dam oskolaža suddok
okti legje Ibmel labba ala, dalle

go son hængai Golgatha ruossa alde, dobbe ja dalle ovta gærde buok gerdi oudast šaddai dat stuora bagjelduolbme-gačaldak ouddanbuktut ja ollašuttut dam lakai, atte duobmo gačča, su ala, gæn birra Johannes celki: „Gæča dam Ibmel labba, gutte mailme suddo guodda,“ ja gæn birra Pietar celki: „Son ješ guddi min suddoid su rubmašes alde, muora alde,“ Dat, gutte Kristusa bagjelgæčča, fertte ješ guoddet suddoides ječas persovnast dam agalaš dolast.

Go oskolaš mædda, de i mate bagjelduolbmam-gačaldak boatet su vuostai; duobmar ješ læ maksam dam ovta gærde buok gerdi oudast. Mutto oktavuoda gačaldak bagjana su lutte Bassevuoiņa bokte, nuft farga go mi Vuoiņa moraštattetp.

Ovta ouddagova vela loapa-dassi aigom du ouddi bigjat. Læ okta čabba manotæbe-ækked. Manno læ aido ladas ja baitta æmbo go dabalažat silbbašerris šælggadvuodain. Okta olmai gæčča darkelet vuolas muttom čiegnales, jaskis gaivvo sisa, gost mano govva oidnu dam šelggis čæcest. Son bakkoda ovta ustebi, gi čuožžo lakka: „Man čabbes dadde manno odneækked læ! man jaskadet dadde dat jotta oudastguvllui!“ Aido go son dam læi gærggam dagjamest, luoitta su usteb ucca gædgaša gaivvoi. „Vuoi manno manai cuovkas,“ dagja nubbe, „ja bittak suppijuvujuk duoko deiki.“ „Vuoi maggar jallas olmai“ jurdela su usteb ja čurvve: „Gæča bajas, olmai! Manno i læk vebašge ječas nubbastuttam, čacce dat læ gaivvo siste mi likkada.

Don rakis oskolaš! Ane dam ovtagærdan værddadusa du ječad ala. Du vaibmo læ gaivvo. Go i mikkege bahaid bæsa dokke sisa, de čilgge dat buristsivdneduvvum Ibmel Vuoiņa Kristusa rakisvuoda dudnji illon. Mutto dallanaga go buttesmættom jurddagak bessek ruotasmuvvat du vaibmoi ja heivvimættom sanek du baksami bagjel boattegottek, algga Bassevuoiņa moivvit du vaimo — du ilolaš guoratallamak cuovkkanek ja don dovdak duttamættomuoda ja mašotesvuoda, dassačigo don

cuvkkijuvvum vuoiņain dovdastak du suddod (dam mi du muošetuti) Ibmeli ja dam lakai raffhai boadak ja ilo oažok su njalga særvvevuodast. Mutto dalle go du vaibmo læ mašotes dilest, lægo dalle Kristusa lonastusa dakko nubbastuvvam? I eisege. Mutto dalle i læk du bestujubmege nubbastuvvam. Lægo Ibmel sadne nubbastuvvam? Vissasi i. Mutto dalle læk don visses du bestujumad harrai. Mi læ dalle, mi læ nubbastuvvam? Dat læ Bassevuoiņa duogje du siste, mi læ nubbastuvvam dast atte čilgget Kristusa ja su ansašæme dudnji ja dævdde du vaimo iloin, dasa atte son morrašin fertte ječas jorggalet erit dam buristsivdneduvvum dagost ja dævddegoattet du dovdoin suddost ja dokkimættomuodast. Son dust erit valdda du ilo ja rafhe, dassačigo don dubmit ja vuostaičuožok dam maid son dubme ja vuostaičuožžo. Go dat læ dakkujuvvum, de særvvevuotta Ibmelin fast odasmattuvvu.

Vare Hærra bæsaši min dakkat cæmbo gocevažžan ješječamek bagjel, vai mi æp moraštattaši Bassevuoiņa, „maina mi læp sæleduvvum lonastusa bæive ragjai.“ (Ef. 4, 30).

Rakis lokke, man rasse du oskoain læžža, de vuoiņad dam alde, atte du buristsivdneduvvum bæste, gæn ala don dorvastak, i goassege aigo nubbastuvvat. „Jesus Kristus læ odne ja ikte oktadaga ja agalaš aiggai.“ (Ebr. 13, 8). Su ollašuttuvvum bestujume dakko i goassege nubbastuva. „Mon diečam, atte buok, maid Ibmel dakka, galgga læt agalažat.“ (Sard. 3, 14).

Sadne, maid son læ sardnom, i nubbastuva goassege. Rasse goldna, ja dam liedek eritgačček, mutto Hærra sadne bisso agalažat « (1 Piet. 1, 24—25.)

Dam lakai læ maidai mu bestujume vuoddo, mu dorvvo ja mu vissevuoda oasse, buokak lika nubbastuvakættajek.

Vela okti jæram mon gudemuš joavko mielde læk don jottemen? Mon rokkadalam du, jorggal du vaimod Ibmeli ja vasted sudnji dam gačaldaga!

„Ibmel fertte læt duodalaš, jos

vel buok olbmukge læk gielestægjek.“ (Rom. 3, 41.) Dat, gutte vuostaivaldda su duodaštusa, læ nannim, atte Ibmel læ duodalaš. Joh. 3, 33.

Vare dat ilolaš vissasunattujubme dam ala, atte don suitak »dam stuora andogasvuoda,« šaddaši du, rakis lokke, dal ja gidda »dassačigo son boatta, gutte boattet galgga.«

(Loappa.)

Dam vides mailmest.

Vuovddebuellem Amerikast.

Daina davve-oarjabæle statain Amerikast læ vuovddebuellem bistam juo vitta vakkko. Dolla vidana issoras jottelvuodain. Ovta stuora gavpugest læ bælle buollam ja 40 smavvagavpugak læ buollam duššen. 4000 olbmuk læ askadambargost, 180 olbmuk læ buollam. Maidai soaldatak læ duhati mielde saddinguvvum vækken. Muitaluvvu, atte ænaš dolla læ cakketuvvum. Dat hirbmos vuovddebuellem læ dakkam cælkemættom vahaga Amerika stataidi.

Schweitzast

læ okta poastakontora juokke 852 olbmui, Tuiskaædnamest juokke 1495 olbmui, Englandast juokke 1873 olbmui, Belgiašt 5119 olbmui, Østerrikast 2965 olbmui, Frankrikast 3008 olbmui, Spaniašt 4143 olbmui ja Tyrkiašt okta poastakontora juokke 18,315 olbmui.

Mormonarid

birra læ daina maņeb aigin læmaš ollo čalluvvum min rika blađin. Arvvalus læ læmaš daid ædnamest erit agjet, nuftgo juo læ dakkujuvvum Tuiskarikast. Girkkodepartementa læ gieskad iskam justitstepartementa oavvela dam gačaldaga harrai: »Berrešigo læt sierralakka mormonari vuostai.« Justitstepartementa læ gavdnam, atte daggar laka i berre ožuduvvut; dastgo dat i burist heivve suogjalam diti ovta sierranas girkkosærvve ja doarradallujume adnegoattet æra girkkoservi vuostai, nuft gukka go i mate čielggaset čajetuvvut, atte mormonaræk laga vuostai mænnotet.

Mormonarak dalle nabbo bessek ain hœredet nuftgo dattok min rikast.

Hælbham blađemakso bivdujuvvu maksujuvvut farga.


Kolera.

Rekinastujuvvum læ, atte Ruosaednamest læ ovtá vakkost, 31. juli —6. august dam jage, doppitallam 20,663 olbmá koleraí, maina 8679 læk nuft garraset, atte dak rekinastujuvvujek jabmam.

Dam rajest go kolera algi ja gidá 13. augst ragjai læ Ruosaednamest oktibuok dáivatallam 112,985 olbmá davddi, maina 50,287 rekinastujuvvujek jabmam.

Petersburgast læk 23. august ragjai dam jage 2261 olbmá doppitallam koleraí, maina 777 læk jabmam.

Gæidno doervasvutti!



Dak boakkanak, mak namatuvvujek „Lystraalabelten“, læk čajetam ječasek buoren dalkastet sikke garrasebbo davdaid ja uccebe vaddoid, damditi læk dak boakkanak šaddam min aige ænemusat adnujuvvum dalkastamgaskaoabmen, nuftgo gulotesvuoda, čoddadavda, vaibmovige, læsme, mañemušja vuovivage vuostai, buoklagas čovjedavdai vuostai læ dat maidai buorre ja maidai vuovimetesvuoda vuostai.

Don, gutte buocce læk, sadde bræva siste 85 øra friamærkaid čuovvovaš adressain: **Bureau „Lysstraala,“ Bergen** ja muittal maggar davdda dust læ, de oazok diettet æmbo daid boakkani birra.

Dollavavno-likkotesvuotta.

Newjorkas Amerikast dapaťuvai gieskad stuora likkotesvuotta daggo bokte, atte guokta dollavavno giridiga okti. 18 olbmá sorbmašuvve ja 20 sarjaduvvujegje.

Muttom olmai læ rekenastam, atte mailme rikai vælgge galgga læť oktibuok 550 duhat miljon kruvna.

Amtman Ullmann

læ dal jabnam gukkalmas buocalmasa mañjel 58 jage boares.

Darolaš amerika linja.

Dam ragjai i læk vel min rikast lænaš ječas dampalinja Amerikai, mutto dal læ arvvalusa vuolde ásatet daggar linja. Stuora særvve læ rakaduvvum, mi juo læ dam mađe ruda okti bigjam, atte mattek oastet ovtá tuiskalaš dampa, man namma læ »Keiser Fredrik«. Dat dakka 20 mila 4 timast ja maksa 3 miljon guokta čuode duhat.

Ædnandoarggastus

læi gieskad Lulle Italiast. Olbmuk šadde daggar balloi, atte olles ija orro olggon. Maidai Mesinast merkkijuvvui ædnandoarggastus. Almaken i šaddam mikkege erinoamaš vahagid

Helsingforsast,

Suoma oavvegavpugest, bulle gieskad 4 stuora gardeima. Vahag šaddai 5 miljon ja 6 čuode duhat kruvna oudast

Okta dollavavno

Bergen lakka sorbmi 5 guigo. Jallas guigok æi ruottam erit go oidne dollavavno boattemen, mutto vurdede dassago bagjeli bodi.

Dam manost

læk oalle liehmos dalkek lænaš gaskotagai dabe Vesteraalast, nuft atte potetosak læk obba burist oudanam muttom baikin, ja jos daggar liehmos dalkek (gaskotagai arvve ja bæivadak) lifče september manost, de i daidaši nu hæjos jakkodak šaddat dabe potetosšaddo dafhost.

Čaccevadnevuotta dabe Vesteraalast muttom baikin læ bistam gidda dalači; mutto doavvovomest læ, atte dastmañas šaddagoatta nokka čacce, go gaskotagai læ arvve. — Æna læi hui sagga goikkam dai gukkes goikoi gæčeld dam gæse, nuft atte dat darbaša ollo arve, ouddalgo čacce itta æmbo, ja erinoamačet valdda gukkes aige ouddalgo galddoidi boatta čacce.

Amerika ja 13-talla.

Ædnagidi, gæk doivvuk, atte 13-talla alo bukta likkotesvuoda, læ čuovvovaš muittalus suotas. Dat čajeta, atte dat talla i læk nu heitog, čalla okta daroamerikanalaš avisa.

Amerika gavdnui dam 13. bæive

manost. Dak okti-ovtastattujuvvum statak legje 13 lakkui. Dam vuostas amerikanalaš plævgast legje 13 njuolasa. Goaskemest Daina ovtastattum statai værjost læk 13 aldagassuodnjara gazast ja okta muora 13 lastain nubbe gazast. I guđege ædnamest læk 13-talla nuft heivvim go Daina okti-ovtastattujuvvum statain.

Koleradavdda

bægga maidai Italiast, Berlinast ja Østerrikast. Okta nisson læi gieskad Berlinast doppitallam koleraí; mutto dal adnujuvvujek juokkeslai gaskaoamek caggam varas dam duššadægje davda boattemest æra rikaidi.

Niegadi jabmemes birra.

Muttom nisson Mada-Norgast niegadi gieskad jabmemes birra bæive oudal go jami. Son niegadi, atte son oini ovtá olbmá muttom dieva alde čuožžomen, gutte čuorvoi sudnji, atte son galgai jabmet. Nisson læi bælle 45 jage boares.

Raddedavdda.

Ollo læ dam mañeb aiggai min ædnamest barggujuvvum raddedavda (tøring) vuostai, ja ollo læ dat maidai væketam. Dast oaidnep mi, go 1900 jabme raddedavdast 280 olbmá Norgast juokke 100,000 olbmust, de læ mañemuš jagin vuollanam lokko 210 ragjai. Norga čuožžo mañemusta æra ædnamin raddedavda vuostaibarggama harrai. 1907 jabme Norgast 6876 olbmá raddedavdast, maina masa bælleoasse buoremus jagin, gaskal 15 ja 40 jage.

Gieldapappa Lüzow Holm

Risør gieldast Mada-Norgast læ namatuvvum pappan Akershus ædnamgiddagassi Kristianiast.

Son læ 57 jage boares, ja læ 18 jage lænaš pappan Risør suokkanest. 1903 læi son stuoradiggest. Lüzow Holm læ ollo jottam Sameædnamest ja læ dovdos ædnag sajin.

Dalle avvodi bærgalak.

Okta boares mainas muittala, atte okti doalai bærgalak stuora guossemallasid, masa buok su engelak legje bovddijuvvum. Si galgge dasto buokak muittaladdat sin færaniðasek.

»Mon čovddim mæce vilda spirid muttom kristalažai ala,« celki muttom sist, »ja sin davtek vællajek

dal vielggaden mæcce saddo alde.«
»Maid dagai dat si legje buokak bestuuvvum,« celki bærgalak.

»Mon nuorttabiegga hattijim ovta skipa ala, mi læi dievva kristalazain ja si dušše buokak,« celki nubbe.
»Maid datge dagai, si maidai legje bestuuvvum,« vastedi bærgalak.

»10 jage dastoudal algin men oadđadet ovta kristalaza,« celki goalmad, »ja dat likostuvai munji nu burist, atte dat kristalaš ain læi oadđemen, go mon su goddim.« Dalle ævvodi bærgalak ja sævdujadasa famok lavllo ilost.

Dam 20,000 kruvni,

mi præmieobligasona-loteriast gessuuvvui 1. juli 1907, ja man birra mi oudeb nummarest muittalæimek, læ dal gavdnum æigad. Muttom ruotalaš bivtasgoarro, gutte 1903 sirdi Amerikai, læ vuottam dam 20,000 kruvna.

222 miljon bibalak.

Dat britalaš ja olggoædnanlaš bibalsærvve læ æska lakai olgusaddam su 106 jakkediedetusast, mast oidnuuvvu, atte mannam jage læ dat særvve oktibuok olgusaddam 843,784 olles bibala ja 1,198,226 odđa testamentiid.

685,000 manne mannam jage æmbo go 1908. Sivvan dam lassanæbmai læ kristalašvuoda ouddanæbme Kinast, gosa manne 1½ miljon bibalak ja bibaloasek.

Jos dat britalaš ja olggoædnanlaš bibalsærvve mataši eoagget ovta olbma juokke našonast ja olmušærdast, gæidi dat læ skenkkim Ibme sane ædnegilli, de dalle boadašegje Europast 75, Asiast 152, Afrikast 103, Davve- ja Lulle-Amerikast 32, Lulleabe sulloin 62 — oktibuok 434, gæina juokke okta sarnoši su ječas giela.

6 odđa gilli jorggaluvvui bibal 1909. Dak gielak sardnojuvvujek Afrika sistædnamest, Nykaledoniast j. n. v. Nuft šaddai ouddamærka diti Matheus ja Johannes evangelium jorggaluvvut Namaugilli, mi sardnuuvvu arvo mielde 40,000 olmušborrin, gudek assek lullegadin britalaš Ny Gyineast. Olgusaddemkoastadusak garte oktibuok mannam jage arvo mielde 2 miljon kruvna. Oktibuok læ dat særvve dam rajest go algi su buristsivdnevuvvum doaima-

tusast olgusaddam 222 miljon basse čallagid daihe osid dast.

Raddedavdda.

**Moft dat matta hettijuvvut ja dærvasmattuvvut.
Dam dovddomærkak.**

Raddedavdda (tæring) læ njoammodavdda, mutto dast satta olmuš dærvasmuvvat, ja olmuš satta varjalet ječas dam vuostai.

»Jos olmuš satta varjalet dam,« celki dat engelas gonagas, »manne dalle i læk dakkuvvum dat?«

Okta lundolaš gačaldak. Raddedavdda læ ain dat sæmma davdda, mi dat læi 400 jage ouddal Kristus, go muttom olmai čali dam birra: »Dat stuoramus ja issorasamus davdda, mi godda ænemus olbmuid.« Jos dat satta hettijuvvut, manditi dalle dat i læk dakkuvvum? Vastadus i læk nuft bænta njuolgga go gačaldak. Raddedavdda bocida vaivašvuodast. Davdda boatta njoammom bokte, ja njoammom attanušša buoremusat daina dilalašvuodain, gost vaivašak ellek.

Dam bodda, go mi vuorddep, atte galgasi fuobmašuvvut dalkastamgaskaoabme raddedavda vuostai, jabmek olbmuk duhati mielde juokke jage. Njællja loge duhat olbmu jabmek juokke jage Englandast raddedavdast. Go olmuš rekinasta buok tuberkulosefoarmaid, de læk jakkasažak 80,000 olbmuk, gæk jabmek raddedavdast dam sæmma ædnamest. Dasa vela læk 300,000 olbmu, gæk gillajek sæmma davdast. Dušše London gavpugest jabmek jakkasažat raddedavdast 9176 olbmu namalassi æmbo go offiserak ja soaldatek oktibuok šadde goddujuvvut mada-afrikalaš soadest, mi histi bagjel 3 jage.

Vaddes læ rekinastet dam vahaga, maid særvvevuodak olmušsogak ja æra servi lattok gillajek dam davda bokte. Dam stuora jamolašvuoda, mi raddedavdast boatta, oaidna olmuš dast, go oktibigja dam æra davdaguin. Jos raddedavdast jabmek 40,000 olbmu, de jabmek sæmma aigest skarlagenfebarest 12,000, goikkegosa-tagast 11,000 ja čoddadavdast 5,000. Vahag i læk dušše hæga, mutto maidai ruđai harrai; dasa vela boatta dat varnotesvuotta, mi čuovvo davda mannest. Rekinastum læ, atte dušše Lon-

donest manna jagest 4 miljon kruvna barggibœle ruđain barggaim varas davda vuostai ja Liverpool gavpugest 5 miljon kruvna. Londonest læ dille daggar: 65 olmuš jabma uccemusat okta olmuš raddedavdast juokke 5 jagest — mi davdaid boatta gavjast.

Mi læ raddedavdda?

Dat stuora olmušsoga vašalaš min dærvasvuodast ja likkost læ okta ucca gavjaš. Dat læ gukkedales ja nuft ucce, atte 1000 daina bigjuuvvum mannalagai æi dagaši logadas toinma. 1 miljon daggar gavjak šittek ovta friamærka ala. Go raddebuocce čolggga, de læk dam buocce čolgast miljonai mielde davddagavjak. Gosataga mielde raddebuoccest bottek maidai dak gavjak, gačček guolbbai, bacek gavni ja biktasi sisa, ja ain æra lakai vidanek ja lassanek dak njoammo gavjak. Dat læ daggobokte, go dak gavjak bottek olbmu rubmaši, atte olmuš oažžo davda. Buokain, gæina læ raddedavdda, læk davdagavjak. Go dak bottek rubmaši, aglgek dak lassanet smavvaset ja devdek gæppaid ja obba rubmaša.

Moft raddedavdda attanušša.

Raddedavdda læ njoammodavdda; njoammom čuovvo njuolgga dam buoccest nubbai daihe čolggama ja gosataga bokte, daihe maidai čuovvo borramuša mielde. Dat buocce berre varotet, atte njoammom i vidan su giedai bokte, jos dak læk buttesmættomak daihe dai vuostai gossa. Borramuš maidai njoamotuvvu; damditi berriek adnujuvvut lommalinek, čolggamlittek ja stuoramus čorggadvuotta.

Moft njoammom ain vidana.

Davdda boatta maidai gavjast. Davdabacilak læk gavdnum maidai ruovddemadestasonain ja dollavavno orromlanjain. — — —

Dærvas rubmašest læk buorre vuostaicaggamnavcak davda harrai. Navcates rubmašest sattek davdabacilak farga attanuššat. Smaveb njoammodavdai bokte satta alggo šaddat raddedavddi. Erinoamačæt berre olmuš læt varrogas, go nuorvodavdda læ — varjalet ječas goallomest ja alo doallat julgid liegasen. — —

Alkoholjukkamuš, nuftgo buolle vidne læ maidai ruotas raddedavddi — dam bokte vidana davdda.

(Lasetuvvu).

»Nuorttanaste« čalle, prenttejægje ja olgusadde læ G. F. Lund Sortland, Vesteraalen.